

大乘寶要義論卷第三

第四同卷

星七

審天藏朝散大夫試鴻臚少卿傳梵大師法護等奉詔評

入定不定印經云佛言妙吉祥假使有人於十方一切世界一切有情悉挑其目至滿一劫若有善男子善女人於彼如上諸有情所憇心悉使其目平復如故至滿一劫妙吉祥若復有人於信解大乘菩薩所發清淨六智一觀視者如是福蘊倍勝於前阿僧祇數假使有人徧往十方一切有情諸牢獄中悉爲解除牢獄繫縛而復令得轉輪聖王或

帝釋天主上妙快樂妙吉祥若復有人於信解大乘菩薩所發清淨心瞻仰讚歎如是福蘊倍勝於前阿僧祇數信力入印法門經云佛言妙吉祥若有善男子善女人於一切世界極微塵等諸有情所日日常以天百味飲食及天妙衣於毘伽沙數等劫中普行布施若復有人於一優婆塞無異師尊具修十善業者當起是念此是學佛戒行人於一日中以一食施如是福蘊倍勝於前阿僧祇數如是次第若一苾芻若隨信行人若隨法行人

乃至若緣覺倍倍供施若復有人但見一畫佛形像或經夾中畫如來像者如是福蘊倍勝於前阿僧祇數何況合掌尊重或以華香塗香燈明淨心供養如是福蘊倍勝於前阿僧祇數復次若有於覩伽沙數等諸佛世尊及聲聞衆日日常以天百味飲食及天妙衣於覩伽沙數等劫中布施供養若復有人於一羊車行菩薩人所隨於何佛種植善根淨心具足者攝取是人於一日中以一食施如是福蘊倍勝於前阿僧祇數若有人於一切

世界極微塵等諸羊車行菩薩人所日日常以天百味飲食及天妙衣於覩伽沙數等劫中布施供養若復有人於一象車行菩薩人所一日之中以一食施如是福蘊倍勝於前阿僧祇數若有人於一切世界極微塵等諸象車行菩薩人<sup>星七</sup>所日日常以天百味飲食及天妙衣於覩伽沙數等劫中布施供養若復有人於一日月神通行菩薩人所一日之中以一食施如是福蘊倍勝於前阿僧祇數若有人於一切世界極微塵等諸日月神通行

菩薩人所日日常以天百味飲食及天妙衣  
於殑伽沙數等劫中布施供養若復有人於  
一聲聞神通行菩薩人所一日之中以一食  
施如是福蘊倍勝於前阿僧祇數若有人於  
一切世界極微塵等諸聲聞神通行菩薩人  
所日日常以天百味飲食及天妙衣於殑伽  
沙數等劫中布施供養若復有人於一如來  
神通行菩薩人所一日之中以一食施如是  
福蘊倍勝於前阿僧祇數此中應問何名羊  
車行菩薩人乃至如來神通行菩薩人耶答

如入定不定印經云佛言妙吉祥菩薩有五  
種行所謂羊車行象車行日月神通行聲聞  
神通行如來神通行此中羊車行象車行二  
菩薩人於阿耨多羅三藐三菩提有所退轉  
其日月神通行聲聞神通行如來神通行三  
菩薩人於阿耨多羅三藐三菩提不復退轉  
生七  
彼羊車行菩薩人其復云何譬如今人欲過  
五佛刹微塵數世界乃自思念我當乘其羊  
車念已即乘隨路而去時極長久歷受勤苦  
行百由旬忽爲大風所吹退八十由旬妙吉

祥於汝意云何是人乘彼羊車若經一劫乃至不可說不可說劫能過爾所世界或一世界不妙吉祥言不也世尊若能過者無有是處佛言妙吉祥如是如是或有菩薩先發大菩提心已後於大乘法中不持不誦逐於聲聞法中愛樂修習同其稱讚受持讀誦解釋其義復令他人持習解了由是緣故智慧鈍劣於無上智道有所退轉是菩薩雖先修習大菩提心慧根慧眼以其智慧成鈍劣故有所壞失此名羊車行菩薩人何名象車行善

薩人譬如有人欲過如前佛刹微塵數世界乃自思念我當乘其七支具足妙好象車念已即乘隨路而去經千百年行二千由旬忽爲大風所吹退千由旬妙吉祥於汝意云何乃至是人能過一世界不妙吉祥言不也世尊若能過者無有是處佛言妙吉祥如是如是或有菩薩先發大菩提心已後於大乘法中不持不誦逐於聲聞法中愛樂修習乃至持讀解了此名象車行菩薩人何名日月神通行菩薩人譬如有人欲過如前佛刹微塵

數世界乃至其人作日月神通行隨路而去  
妙吉祥於汝意云何是人能過爾所世界不  
妙吉祥白佛言世尊是人能過時極長久歷  
受勤苦佛言妙吉祥如是如是或有菩薩先  
發大菩提心已不於聲聞法中愛樂修習乃  
星七  
至四句偈亦不持讀唯於大乘法中愛樂  
讀誦解釋解了此名日月神通行菩薩人何  
名聲聞神通行菩薩人譬如有人欲過如前  
佛利微塵數世界乃至其人作聲聞神通行  
隨路而去妙吉祥於汝意云何是人能過爾

所世界不妙吉祥白佛言世尊是人能過佛  
言妙吉祥如是如是或有菩薩發大菩提心  
已於大乘法中愛樂修習而復於他修大乘  
者信解大乘者持誦大乘者攝受大乘者諸  
菩薩所信奉歸向親近於彼希求大乘受持  
讀誦乃至值遇失命因緣亦不暫時捨離大  
乘而復於他修大乘者以香華等尊重供養  
於未學菩薩亦不起慢心此名聲聞神通行  
菩薩人

何名如來神通行菩薩人譬如有人欲過如

前佛刹微塵數世界乃至其人求佛神通行隨路而去妙吉祥於汝意云何是人速能過爾所世界不妙吉祥白佛言世尊是人一刹那間發是心時即能速過爾所世界佛言妙吉祥如是如是或有菩薩發大菩提心已乃至善解大乘最上甚深廣大義理常爲救度一切有情發大菩提心慈悲攝受於六波羅蜜多四攝法等發勤勇心已復令他人亦如是安住此名如來神通行菩薩人此中應言若有毀謗正法者是即於法作其

障難斯極大罪如般若波羅蜜多經云或有修善薩乘者雖曾得見百千俱胝那庾多諸佛如來於諸佛所廣行布施乃至修習智慧而起有所得心雖往諸佛會中聽受宣說般若波羅蜜多不生尊重若身若心悉不清淨起汙汙慧成大罪業即於甚深般若波羅蜜多而生毀謗由謗此甚深般若波羅蜜多故是即毀謗過去未來現在諸佛世尊及佛一切智以是緣故是謂於法作大障難此業相續墮大地獄經俱胝那庾多百千歲從一地

獄出復入一地獄如是展轉數數成壞地獄  
出已復墮餓鬼及畜生趣舍利子白佛言世  
尊此障正法罪業相續當墮五無間地獄今  
可說是校量罪業爲不可說耶佛言止舍利  
子汝不應說

復次諸修菩薩行者有多種魔事如般若波  
羅蜜多經云復次須菩提若有建立諸名字  
者菩薩當知是爲魔事若有魔來詣菩薩所  
作如是說汝此菩薩現成正覺建立是名菩  
薩爾時隨起伺察若住不退轉相即彼魔異

不得其便若起解心謂我得記即生慢意於  
餘菩薩所乃起欺慢此是惡魔巧以方便欲  
令菩薩遠離般若善友不攝惡友隨逐或墮  
聲聞地或墮緣覺地起欺慢相應心者獲罪  
甚重過四根本菩薩當知此爲魔事妙吉祥

神通遊戲經云妙吉祥言天子隨有事業成  
此皆是魔事若有所求若有所取若有所捨  
皆是魔事若有所欲若有想像若有領納若  
有計度皆是魔事又復天子若於菩提心有  
所取著皆是魔事於布施持戒忍辱精進禪

定智慧諸心有所取著皆是魔事又施起慢  
心戒住分別忍王忿恚精進戲諸禪定取相  
智慧作意此等皆是魔事若起厭捨心樂居  
寂靜此是魔事若於少欲知足頭陀功德起  
領解意此是魔事若行於空若行無相若行  
無願若行無戲論若行遠離於如來言教所  
行起我慢意有所分別皆是魔事天子乃至  
若有分別若無分別見聞覺知想念生時皆  
是魔事天子問言妙吉祥是諸魔事何因所  
起妙吉祥言天子諸魔事者皆從增上相應

所起何以故而諸魔事於增上相應法中伺  
求其便若非相應勝法魔何所作天子言妙  
吉祥何等是菩薩增上相應何等是不相應  
妙吉祥言天子若二法相應是即增上相應  
何以故以二法相應是爲世間和合依止此  
增上相應即是正相應增語此正相應即是  
不相應增語此不相應即是無戲論增語此  
星七增上相應即是正相應增語此正相應即是  
無戲論即是正相應增語若相應若不相應  
是中建立是故天子無眼相應無色相應乃  
至無意相應無法相應此說名爲菩薩正相

應復次天子當知諸菩薩有二十種法隨起魔事今魔勇悍何等二十一者於修解脫事業者於怖畏生死者於修相應勝行者方便親近承事供養此等皆是菩薩魔事二者若但觀空棄捨有情是菩薩魔事三者但觀無爲於有爲善根而生懈倦是菩薩魔事四者雖起定意而不修定行是菩薩魔事五者說法者樂說聽者不起大悲是菩薩魔事六者於有戒有德人所求行布施於破戒人所而生毀謗是菩薩魔事七者樂說聲聞緣覺言

論隱覆大乘言論是菩薩魔事八者隱覆甚深言論樂說種類言論是菩薩魔事九者雖知善薩道而不求修波羅密多道是菩薩魔事十者以稱讚增上相應語言與不相應諸有情類而爲教示是菩薩魔事十一者雖種植善根而背菩提心是菩薩魔事十二者雖於相應觀行相續所行而不爲諸有情如應教示是菩薩魔事十三者雖求盡彼無餘煩惱於生死相續煩惱厭棄是菩薩魔事十四者雖復伺察勝慧而不取大悲所緣之境是

菩薩魔事十五者於一切善行若不具方便是菩薩魔事十六者雖復希求菩薩藏法而樂受持路伽耶陀外道典籍是菩薩魔事十七者雖復多聞於所聞法而常祕惜不令他知是菩薩魔事十八者雖復多聞以世間緣爲他說授貲取其財爲無義利是菩薩魔事十九者於住大乘諸法師所而不親近尊重承事返於住彼聲聞緣覺乘人非同分者同其稱讚是菩薩魔事二十者若時菩薩恃有財寶威德富盛若天帝釋若梵王若護世若

王及長者皆不親近尊重承事以威德富盛故是菩薩魔事此等是爲菩薩二十種法隨起魔事令魔勇悍海意經云若有菩薩具大名稱富盛自在種族高勝眷屬廣多具有福行由如是故而生懈怠不以智求相應勝行驕倨放逸或見菩薩出家圓滿常以智行求相應法擣勞忍苦大風大熱悉能甘受血肉銷瘦容貌醜惡而前菩薩如是見彼勝功能已生欺慢意彼有善說而不聽受而復增起驕倨癡慢此爲菩薩魔力鉤制又云有四種

法能於大乘而爲障難一者顯露己德二者隱覆他德三者我慢熾盛四者忿恚堅固又諸菩薩勿應以發菩提心便爲喜足然當廣修相應勝行

此中應問在家菩薩云何所行答如勇授長者問經云佛言長者在家菩薩雖處其家常修正士所行諸業非正士所行而實不作依法受用不以非法艱苦希求正命自資不以邪命而活不惱他人自所得利雖常受用起無常觀廣以實法而行布施大捨無惱尊事

星七

父母於妻子奴婢及作事人乃至朋友知識常以正法而相教示又復何等是在家菩薩不正所行如出家障難經云佛告尊者大名言汝今當知諸生盲者聾者瘻者及旃陀羅不知樂者多毀謗者詭曲者不男者常爲僕使者轉女人身者駢驅豬狗乃至毒蛇如是等類世世生生於佛教中不生愛樂又復大名在家菩薩若有四種法者是爲難事一者於先佛所曾種善根諸有情類及求出離心者樂聖道心者於彼若作障難此爲在家菩

薩第一難事二者貪著財寶子息眷屬不信業報若男若女若妻子等諸親眷屬於富貴中捨欲出家者若於彼等作障難者此爲在家菩薩第二難事三者在家菩薩毀謗正法未聞之法雖復聽受聞已不信返生毀謗此爲在家菩薩第三難事四者於具戒德沙門婆羅門所起損害心及多種過失心此爲在家菩薩第四難事如是四種及別別起諸障難法皆是在家菩薩乃至世世所生而爲難事如有一人墮穢汙井乃謂餘人言快哉此

井有清潔水餘人聞已於穢水中起清水想不以穢汙爲不清淨諸染欲有情亦復如是自染欲泥而復教令他人亦染自衆惡香教他亦然自墮貪瞋癡等諸險難處而復教令他人亦墮又如有人獲其怨對棄擲火坑是大猛燄高七人量無薪無烟諸染欲者亦復如是親近女人讚說欲事墮欲火坑而復教令他人亦墮使彼墮已痛苦憂惱常所侵逼又如一人教令餘人登刀鋒山受其快樂而復謂言是山平坦無復曠險可登其山受於

快樂世間父母愛戀子息亦復如是以愛子

故於欲染事隨生取著而欲染法其實大惡

猶如毒蛇是人染心於彼妻前返以美言讚說欲事彼三惡趣極大險怖亦以美言返爲善說作是說者當墮地獄餓鬼畜生道中

大乘寶要義論卷第三

大乘寶要義論卷第四

宋齊天誠朝散大夫試鴻臚少卿傳梵大師法護等奉詔譯

如日子王所問經云佛言大王彼染欲人愛著欲事樂見女人行染欲法不樂親近具戒沙門及婆羅門爲彼有戒德者而共嫌厭減失所有信戒聞捨慧等法彼穢惡門惡氣充盈不淨流溢故起耽染不生厭棄處其穢惡與蛆蟲等非所依著遠離慙愧天人法滅殘毀身命智者呵厭爲彼女人之所降伏與彼女人而爲僕使涎液涕流諸不淨物取以爲